



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Consvlibvs Et Civibus Ianuensibus.

urn:nbn:de:hbz:466:1-20020

necnon per decem & septem annos pacificè commoratus ibidem , ac per te , frater Episcope , dieti Episcopi successorem Archipresbyter in sua Ecclesia institutus , Archipresbytero sancti Laurentij preces specialiter interponente pro ipso , ea quæ postmodum & primitus per parsimoniam , artificium , & studium suum , & puerorum doctrinam naçtus fuerat , ad eandem Ecclesiam devolvi debebant sine aliqua questione . Pars verò altera studuit replicare se à te , frater Episcope , postulasse prefatum Archipresbyterum , tunc simplicem Canonicum , sibi restitui ut suum oblatum , & te precibus quorundam effectum id efficeret noluisse ; sicutque suam negligientiam , si qua fuerat , excusabat . Nos igitur iis & aliis à partibus propositis coram auditore præfato intellectis , cùm de oblatione ac pacifica translatione Archipresbyteri sapienti nobis facta fuerit plena fides , ea que idem Archipresbyter habuerat antequam ad secundam Ecclesiam à prima translatus fuisset primæ , cetera omnia curavimus adjudicare secundæ ; ita tamen quod si probatum fuerit de bonis prioribus vel eorum preventibus ab eodem aliqua postea conquisita fuisse , illa ipsi Ecclesie sancti Laurentij applicentur . Quocirca discretioni vestræ per apostolica scripta mandamus quatenus id quod à nobis est sententialiter diffinitum faciat per censuram ecclesiasticam appellatiōne remota firmiter observari . Quod si non omnes &c. tu , frater Episcope , cum eorum altero &c. Datum Viterbij xii. Kal. Iulij , pontificatus nostri anno duodecimo .

*ARCHIDIACONO ET W. & R.
Principiis Civitatensibus.*

C Vm olim inter Clericos sancti Severini de Castro sancti Severi ex parte una & Clericos Ecclesiarum sancti Nicolai , sanctæ Mariæ , ac sancti Iohannis castri ejusdem Civitatensis diocesis ex altera super processionibus in diebus rogationum tam in eundo quam redeundo ad sancti Severini Ecclesiam exhibendis , celebrando sextam ibidem , & sermonem in dominica palmarum ad populum faciendo , necnon etiam pullationibus campanarum questio mota esset , Abbas Terræ majoris ordinarius judec eorum de meritis ipsius cause sufficienter instructus , Clericos prædictarum Ecclesiarum super præmissis omnibus Ecclesias sancti Severini per diffinitam sententiam condemnavit ; quam profecto sententiam cùm iidem Clerici rece-

Tom. II.

pissent & aliquanto tempore sine contradictione servassent , nitentibus demum eis venire temere contra ipsam , Clerici sancti Severini ad bona memoriam Dragoniensem Episcopum & magistrum P. Canonicum Trojanum apostolicas litteras impetrarunt , quarum auctoritate Clerici præfatarum Ecclesiarum ab Episcopo ipso citati , mandato apostolico intellecto , promiserunt se supradicta omnia firmiter servatuos , eaque in violabilitate observare dictus Episcopus eis sub excommunicationis pena præcepit , & sic postmodum quod per antedictum Abbatem & eundem Episcopum provide factum fuit , per sedem extitit apostolicam confirmatum . Nuper autem cùm inter Nicolaum Ecclesiam sancti Severini ex parte una & Thomam sancti Nicolai ac Mauritium sanctæ Mariæ ex altera procuratores super iis quæstio verteatur , dilecto filio Tullio Subdiacono & Capellano nostro eos commisimus audientes ; in cuius præsentia procuratores Clericorum dictarum Ecclesiarum , videlicet sancti Nicolai & sanctæ Mariæ , recognoverunt omnia supradicta , eo quod de sexta canenda præmissum est duntaxat excepto . Ne igitur lites quæ justo judicio sunt decisæ calumniantium vitio reviviscant , discretioni vestræ per apostolica scripta præcipiendo mandamus quatenus dictos Clericos sancti Nicolai & sanctæ Mariæ ad hæc omnia in violabilitate observandum , secundum quod à predictis Abbatे necnon etiam & Episcopo est statutum , monitione præmissa per censuram ecclesiasticam sublato appellationis obstaculo compellatis . Quod si non omnes &c. duo vestrum &c. Datum Viterbij xii. Kal. Iulij , pontificatus nostri anno duodecimo .

*CONSULIBVS ET CIVIBVS
Iannensibus.*

L Icet ubincunque locorum scissura discordiae fraternitatem divideret Christianam , nos , qui secundum Apostolum non valemus quoconque scandalizante non uri , ferventi compassionis furtagine frigeremur , de discordia tamen inter vos & cives Pisanos exorta tanto ardenter caritatis igne perurimur quanto graviora per eam & provenisse jam & posse adhuc etiam provenire pericula intuemur . Per hanc enim non solidum grandia damna rerum & gravia discrimina personarum cum immobibus animarum dispendiis utrique supereminens civitati , verum etiam Ecclesia penè tota colliditur , & necessarium terræ

Epiſ. 55.
Vt trægas
incant cum
Pisanis.

T t

330 Epistolarum Innocentij III.

sancta subsidium impeditur; quin immo verendum est plurimum ne quatuor illi angelii quibus datum est secundum Iohannem nocere terrae ac mari, lethalia instrumenta sibi de civitatibus vestris faciant, per quae maris & arida universitatem affligant, dum vos utriusque contermini per mutuæ seditionis offensas sic unius etiam littora supra concutitis quod alterius quoque non modica spatia conturbatis. Hoc igitur quidam patrum & prædecessorum nostrorum pro loco officio attendentes, multifariè multisque modis operam impen derunt ut inter vos pacis fœderia reformarent, & cum in aliquibus aliqui profecissent, novissimè tandem felicis recordationis Clemens Papa prædecessor noster pacem perfecit eandem; quæ cum postmodum, superfeminante zizania homine inimico, in malum fuerit discordia recidivæ relapsa, nos denum propitiante Domino ad officium summi pontificatus assumpti pacem inter vos, tum ex officio nostri debito, tum ex sincero quem circa utramque gerimus civitatem dilectionis affectu, zelantes multi formiter laboravimus per sollicitudines utique multiformes, sepiissime dirigendo litteras, nuntios, & legatos, ut ad unitatis concordiam & concordia unitatem reducere vos possemus; & nisi eo qui operibus pacis invidet faciente processus dilectorum filiorum de Tilioto & sancti Gualgani Abbatum, qui super hoc diu multumque studiosissime laborarunt, impeditus fuisset, utraque jam civitas in delitio bona voluntatis & requie opulenta federet. Quapropter etsi re ipsa per astutias satanæ in malignum reducta, ne novissima ejus fiant pejora prioribus formidetur, sperantes ramen in eo qui est actor pacis & caritatis amator quod sicut incipere nos permisit, ita quoque nos faciet hujusmodi sanctum pacis negotium consummare, universitatem vestram rogamus & obsecramus in Domino, per apostolica vobis scripta sub divini judicij obtestatione mandantes quatinus non tam privatis vestris incommodis quam publicis universaliæ Ecclesiæ dispendiis occurrendo quæ de prædicta nosecuntur discordia provenire, cum memoratis civibus saltem treugas interim in eatis, quibus apostolica scripta direximus ut satisfaciant vobis de dannis quæ noviter intulisse diuntur, vel in manibus venerabilis fratris nostri Pisani Archiepiscopi cautionem præstent idoneam quod ad mandatum nostrum competenter satisfaciant super ipsis, & una

cum eodem ac venerabili fratre nostro Ianuensi Archiepiscopo simul etiam & Abbatibus antedictis ac nuntiis Pisaniorum, quos propter hoc ad nostram præsentiam evocamus, usque ad festum assumptionis beatæ Mariæ proximò venturum, vel ante, quam citius posset fieri, aliquos viros providos ad fedem apostolicam definitis, commissa sibi plenaria potestate ut omnium vestrum vice circa singula contingencia processuri observanda recipient que cum consilio nostro præsentibus Archiepiscopis memoratis prædicti Abbates super ipso providerint negotio disponenda, de nullo penitus hesitantes: quia cum auctoritatem plenariam super eosdem habeamus Abbates, eos sicut oportuerit & decuerit inducemus ut non declinantes ad dexteram vel sinistram, regia tantum via, utrumque partis commoditate prospecta, procedant, adhuc etiam eis sub intermissione anathematis injuncturi ut in eo quod concorditer statuerunt aut modo statuerint, vel in alio, si quod postmodum fuerit statuendum, debitam providentiam & rectitudinis æquitatem observent. Alioquin, ne tantum periculum animarum, rerum damnum, & personarum dispendium negligere videamus, adversus eos qui tam sanctam exhortationem contempserint in enormem jaeturam totius populi Christiani, officij nostri debitum exequemur. Datum Viterbij xii. Kal. Iulij, anno duodecimo.

*STEPHANO CANTVARIENSIS
Archiepiscopo S. R. E. Cardinali.*

AD nostram noveris audientiam per venisse quod Decanus & Capitulum Lincolniensis Ecclesiæ recepto mandato nostro super electione Pontificis canonice celebranda, dilectum filium Hugoñem Vellensem Archidiaconum sibi concorditer in Episcopum elegerunt; cuius electioni Rex suum assensum dicitur præstis. Vtrum autem in ipsa electione canonice sit processum, an illa prava confusudo servata propter quam inter regnum & sacerdotium gravis est suscitata discordia, ignoramus. Tenor enim litterarum præfati Regis ad utrumque se habet, cum continetur in ipsis quod Decanus & Capitulum Lincolniense requisito assensu Regis ac præstito prædictum Archidiaconum in Episcopum elegerunt. Licet autem assensus hujusmodi electioni non facte sed facienda sit præstitus, potest tamen intelligi de assensu qui pro facienda Pontificis electione requiritur; & hoc non præjudi